



COMUNU DE CABUDERRA

Tzitadi Metropolitana de Casteddu

DELIBERATZIONI DE SA GIUNTA COMUNALI

N. 24 DE SU 15/02/2023

OGETU: APROVATZIONI CUNVENTZIONI CUN S' IIS SERGIO ATZENI PO CUMPRIRI PERCURSUS PO IS CUMPETÈNTZIAS TRASVERSALIS E PO S' ORIENTAMENTU.

S' annu 2023, su 15 de su mesi de Friàrgiu a ora de is 13.00, in sa residèntzia comunali, cunvocada a manera amesturada presèntzia/videocunferèntzia cunforma a su Regulamentu Comunali po sa modalidadi telemàtica, s' est atobiada sa Giunta Comunali cun is personis chi s' hant:

Nòmmini e Sangunau

Beniamino Garau
Dessì Donatella
Frongia Pietro
Montis Giovanni
Sorgia Silvia
Solinas Marco
Garone Katuscia

Càrriga

Sìndigu
Assessori
Assessori
Assessori
Assessori
Assessori
Assessori

Presenti

Eja
Eja
Eja
Eja
Eja
Eja
Eja

Presentis: 7

Ausentis: 0

Pigat parti a sa setziada su Segretàriu Generali Sa Dotora Felicina Deplano.

Su Sìndigu, Beniamino Garau, ndi liat sa presidèntzia e de chi at averiguau su nùmeru de is presentis, decrarat aberta s' adunàntzia.

SA GIUNTA COMUNALI

Postu chi:

- s' Aministratzioni comunali bolit collaborai cun is Istituzionis scolàsticas po amellorai sa cualificatzioni de is cumpetènzias chi podint balli finas in su mercau de su traballu;
- is percursus po is cumpetènzias trasversalis e orientamentu (PCTO ex Alternàntzia Scola Traballu) rapresentant una metodologia didàtica chi, po mèdiu de s' aprofundimentu de connoscènzias teòricas e s' esperièntzia pràtica, permitit de arricchiri sa preparatzioni de is studentis favorendi is sceberus de stùdiu o de traballu imbenientis;
- cunforma a s' art. 1 de su D.Lgs. 77/05, (aggiornau de s' artìculu 57, c. 18-21 de sa Lei de Bilàntziu 2019 (Lei, 30/12/2018 n. 145, G.U. 31/12/2018), is Percursus po is cumpetènzias trasversalis e po s' orientamentu (PCTO) rapresentant una modalidadi po cumpriri is cursus in su segundu tziclu de su sistema de istrutzioni e formatzioni, po favoressi s' achisitzioni de cumpetènzias a is giòvunus, chi potzant essi profetosas in su mercau de su traballu;
- cunforma a sa lei 13 de argiolas 2015 n.107, art. 1, c. 33-43, is percursus PCTO, funt insertaus in su pianu triennali de s' oferta formativa de s' istituzioni scolàstica comenti parti integranti de is percursus de istrutzioni;
- in custus percursus is studentis funt sugetus a s' aplicu de su D.Lgs. 9 de abrili 2008, n. 81;
- cun DM. 774 de su 4 de cabudanni 2019 si funt definidas is Linias ghia pertocantis is percursus po is cumpetènzias trasversalis e po s' orientamentu, cunforma a s'artìculu 1, c. 785, de sa lei 30 de idas 2018, n.145;

Bida s' annotadura de su 08/02/2023, arricida cun n. 6072, innui s' IIS "Sergio Atzeni" de Cabuderra, at imbiau una rechesta de disponibilitadi po sa stìpula de una conventzioni po cumpriri percursus po is cumpetènzias trasversalis e orientamentu (PCTO ex Alternàntzia Scola Traballu), me in is ufizius comunali, po connosci is chistionis pertocantis su traballu de un' Enti pùblicu, cunforma a is modalidadis previdias de sa lei;

Cunsiderau chi s' Istituzioni Scolàstica assigurat su/is beneficiàriu/s de su percursu in alternàntzia scola traballu contras a is infortùnius in su logu de traballu;

Ca est un' iniziativa de importu mannu;

Arriciu parri a favori po su chi pertocat sa regolaridadi tècnica cunforma a s' art. 49, comma 1, de su D.Lgs. n. 267/2000, de parti de su Responsàbili de su Setori;

Cun votatzioni a favori cunforma a sai lei,

DELÌBERAT

S' adesioni a sa proposta de conventzioni de s' IIS "Sergio Atzeni" de Cabuderra po cumpriri percursus po is cumpetènzias trasversalis e orientamentu (PCTO ex Alternàntzia Scola Traballu);

De aprovai su schema de conventzioni, in acàpiu a custu atu etotu, chi disciplinat is raportus intre custu Enti (sugetu chi òspitat) e s' IIS "Sergio Atzeni" de Cabuderra (sugetu promotori);

De donai incàrrigu a sa Responsàbili de su setori Segreteria, Afàrius Generalis, Istruzioni Pùblica po sa sutascritzioni de sa conventzioni etotu;

De donai atu chi:

- is atividadis de PCTO s' ant a cumpriri cunforma a sa Conventzioni etotu;
- s' IIS "Sergio Atzeni" at a ativai una politza de assicuratzioni po totu su perìodu de su progetu;
- su progetu no est unu raportu de traballu;
- chi po custu Enti (sugetu chi òspitat) no ddoi at gastu perunu;
- s' adotzioni de custu atu no ocasionat impinnu de gastu e nemancu prus pagu intradas;

De decrarai chi custu provedimentu at a balli luegus etotu, cunforma a s' artìculu 134, corriedda 4, de su d.Lgs. n. 267/2000.
